

先秦—清末

《中國野史集成》編委會
四川大學圖書館 編

中國野史集成


錢謙題卷



巴蜀書社


中國分史集成

卷一百一十五



《中國野史集成》編委會
四川大學圖書館 編

	中
集	國
成	野
33	史

先秦—清末


巴蜀書社

目 錄 (第三十三冊)

金陵野鈔	一	江陰城守紀	一一六
福王登極實錄	一五	江陰守城記	一五三
金陵紀略	一六	江上孤忠錄	一五六
懿安事略	一八	江上遺聞	一六九
弘光朝偽東宮偽后及黨禍紀略	二〇	平吳事略	一七八
使臣碧血	三一	嘉定縣乙酉紀事	一八三
北使紀略	三五	孤忠後錄	一九一
揚州變略	三七	臨安旬制紀	一九三
揚州十日記	三九	海東逸史	二二六
弘光乙酉揚州城守紀略	五〇	魯春秋	二八一
京口變略	五八	浙東紀略	三二〇
維揚殉節紀略	五九	甲行日注	三三一
潯陽記事	六八	仿指南錄	四三一
青磷屑	八〇	閩游月記	四四一
滿清入關暴政之一之二之三	八七	航解遺聞	四五九
江南聞見錄	一一一	風倒梧桐記	四七一
		江變紀略	四九二
		兩粵夢遊記	五一〇
		粵中偶紀	五三八
		入長沙記	五四五

四合王傳		五五二
明亡述略		五七七
永曆紀事		六一四
攻渝諸將小傳		六一七
聖安紀事		六六八
北征紀略		六八五

金陵野鈔

東方學會印

金陵野鈔

吳郡顧峇

崇禎十七年甲申三月十九日逆賊李自成入京師上及皇后殉宗社皇太子定王永王不知所在

四月十二日南京百僚守備南京中軍都督府都督魏國公徐宏基家議推戴討賊時福王潞王周世孫各避賊南下南京兵部尚書參贊機務史可法督兵勤王至淮安提督鳳陽兵部左侍郎都察院僉都御史馬士英移書可法及南京禮兵二部侍郎呂大器等請以倫序奉顯皇帝次子之長子福王

二十四日南京戶部尚書高宏圖禮兵二部侍郎呂大器都察院右都御史張慎言翰林院詹事府詹事兼侍讀學士姜曰廣吏科給事中李沾河南道御史郭維經等及魏國公徐宏基撫甯侯朱國弼安遠侯柳祚昌提督操江誠意伯劉孔昭南和伯方一元守備南京司禮監太監韓贊周集大內議未決沾厲聲言今日有異議者以死殉之遂以福王告太廟

野鈔

二十八日宏基及御史陳良弼朱國昌迎福王於江浦

二十九日南京百僚迎見福王于燕子磯王諱由崧神宗顯皇帝孫福恭王世子萬歷三十五年七月十一日生初封德昌王

崇禎十四年五月賊破維揚福恭王遇害世子縉城出奔懷慶

十六年六月襲封福王十七年二月賊破懷慶南奔

五月戊子朔福王謁孝陵王至陵避御路從西門入祭告涕泣拜懿文皇太子陵入謁奉先殿止宿內守備府己丑百僚三上箋勸進不允

庚寅福王監國于南京大赦天下諭曰我國家二祖開天昭宣鴻業列聖繼緒累積深仁大行皇帝躬行節儉勵志憂勤宵旰十有七載力圖勳寇安民吳天不弔寇虐日熾乃敢震驚宮闈以致龍馭升遐英靈訴天怨氣結地嗚呼痛哉孤避亂江淮驚聞凶計既痛社稷之墟復激父母之仇矢不俱生志圖必報然度德量力徘徊未堪乃茲臣庶敬爾來迎謂倡義不可無主神器不可久虛因序譯推連章勸進因辭不獲勉徇輿情於崇禎十七年五月初三日暫受監國之號朝見臣民于南都孤夙夜

兢兢惟思迅掃妖氛廓清大難德涼任重如墜谷淵同仇共助
猶賴爾臣民其與天下更始可大赦天下

發大行皇帝喪于天下
進南京兵部尚書史可法兼東閣大學士改南京戶部尚書高
宏圖禮部尚書兼東閣大學士俱入閣辦事進提督鳳陽兵部
左侍郎兼都察院僉都御史馬士英兵部尚書都察院右副都
御史仍提鳳陽士英貴州貴陽人巡撫宣府以不修邊備任用
喇嘛于崇禎五年十月逮訊遣戍十五年四月有罪起用提督
鳳陽初士英居南京與阮大鍼善大鍼在天啟間為光祿寺卿
以陰行贊導逆案為民士林賤之周延儒之再召入閣也大
鍼謀復起延儒謝不能則以士英為請竟起用之

以南京都察院右都御史張慎言為吏部尚書
命兵部職方司郎中萬元吉宣諭總兵官黃得功劉澤清高杰
劉良佐得功遼東人以擒叛將劉超獻俘崇禎十七年三月四
日與左良玉吳三桂唐通同日封靖南伯澤清山東人以功授
右都督充總兵官鎮守山東駐臨淄崇禎十七年三月召入援

野鈔

三月南奔淮安杰陝西青洲人以賊降立功十七年二月調赴
督輔李達泰軍前督輔師濟奔泗州良佐徐州總兵官敗土賊
袁時中于宿亳蒙城間同得功破賊安慶十七年正月從正陽
下臨淮元吉江西南昌人以永州府推官辟督撫楊嗣昌軍前
監紀大理寺評事崇禎十六年三月以兵部職方司員外贊畫
軍前為人忠義慷慨機敏勤事久歷行間諸將心折之
甲午召理部尚書王鐸兼東閣大學士以掌南京翰林院詹事
府詹事姜曰廣為禮部侍郎兼東閣大學士俱入閣辦事鐸河
南孟津人與弟鏞子無黨避賊懷慶監國所識也
以南京兵部侍郎呂大器為吏部左侍郎太常寺卿何應瑞為
工部左侍郎

召還前都察院左都御史劉宗周為都察院左都御史宗周浙
江山陰人以請釋姜鏞開元革職
庚子召募兵江南兵部尚書張國維原官佐理戎政前刑部尚
書徐石麒為都察院右都御史前巡撫江西解學龍為兵部左
侍郎石麒浙江嘉興人以不訊姜鏞開元住學龍以荐黃道周廷

杖遺成

以南京吏科給事中李沾為太常寺卿南京河南道御史郭維
經為應天府丞以吏科左給事中察核上江水師左懋第為太
常寺少卿順天府丞張有譽為戶部右侍郎總督倉場
召還各科給事中章正宸開元姜鏞各道御史喬可聘李模等
以前兵科都給事中許譽卿為光祿寺卿
以總兵官鄭鴻達鎮九江黃蜚鎮京口等處
五月壬寅監國即皇帝位改明年為宏光元年大赦天下
東閣大學士史可法請督師江北許之

癸卯命提督鳳陽馬士英入直兼掌兵部事
召禮部右侍郎顧錫嘯為禮部尚書操江都御史高倬為工部
左侍郎詹事府少詹事黃道周為禮部右侍郎道周福建漳浦
人初以少詹事召對忤上意訪江西布政司都事巡撫解學龍
疏荐之並連杖闕下戶部主事葉廷秀國子監生涂仲言各疏
救并杖闕下四人俱戍邊十五年八月召還道周原官

甲辰分設淮揚鳳廬四鎮封總兵官高杰與平伯劉澤清東平
伯劉良佐廣昌伯進靖南伯黃得功靖南侯分領之
進帝南伯左良玉甯南侯世鎮武昌
以忻城伯趙之龍總督京營戎政
乙巳以御史祁彪佳為都察院右僉都御史巡撫蘇松等處
丁未吏部尚書張慎言疏薦前大學士吳姓吏部尚書鄭三俊
又條議從賊之臣自拔南來者酌定用之之法
庚戌早朝畢誠意伯劉孔昭呼九卿科道于道罵慎言曰舉朝
宜以全副精神注於雪恥除于防河防江乃今日講推官明日
講陞官結黨行私奸臣誤國御史王孫蕃詰孔昭曰先帝裁操
江都御史歸提督操江亦未見作何事業文武喧爭聲徹殿陛
明日各補疏糾參慎言乞休不允

乙卯進薊遼總兵官平西伯吳三桂薊國公給諸券祿米遣中
書舍人沈廷揚海運漕米十萬石銀五萬兩濟其軍先是三桂
聞京師破投建州女直導之入關賊李自成出禦之四月二十
四日大敗于一片石復入京抄掠焚宮殿三十日西遁
女直墨勒根自稱大清攝政王五月二日示諭南朝官紳軍民

人等發者吾國欲與大明和好永享太平屢致書不答以致屢次深入期爾朝悔悟豈意堅執不從今為流寇所滅事屬既往不必論也且天下者非一人之天下惟有德者居之我今居此為爾朝雪君父之仇破釜沉舟一賊不滅誓不返轍所過州縣地方有能獲頭投順開城納款即與世守爵祿如有抗拒一到即玉石不分盡行屠戮可法士英各以聞議遣使女直

以詹事府少詹事管紹甯為詹事諡德吳偉業徐汧為少詹事六月戊午上大行皇帝諡曰昭天釋道剛明恪儉探文奮武敦仁茂孝烈皇帝廟號思宗尋改號毅宗陵曰思陵大行皇后諡曰孝節貞淵肅恭莊毅奉天靖聖烈皇后皇考先福王諡曰貞純肅哲聖敬仁懿恭皇帝尋改孝皇帝陵曰熙陵尊皇嫡母先福王妃鄭氏曰恪貞仁壽皇太后上皇生母姚氏諡曰孝誠端惠慈順貞穆皇太后祖母鄭貴妃諡曰孝宣穆穆莊惠慈懿天裕聖太皇太后追諡元妃黃氏曰孝哲懿莊溫貞仁壽皇后己未召前都督陳洪範陸見

野鈔

壬戌召前光祿寺卿阮大鍼暫賜冠帶陸見士英所請也大學士宏圖請下九卿科道集議士英求退不允曰廣慎言大器沾維經給事中羅萬象御史詹兆恒王孫蕃各疏糾不聽大鍼竟奏對

時賊既西通總督漕運都御史路振飛擒偽官呂弼周集士民擒從賊偽官武懷以聞濟甯都司李九和起兵殺偽官張問行因從賊兵備王世英請命河南開封府推官陳潛夫棄勇李知遇劉洪起等各殺偽官前兵部尚書勳農河南丁啟容以弟參將丁啟光擒歸德府偽官陳奇等七人獻俘真定府知府邱茂華守城請救衡王率青州府諸生殺偽官請內徙又聞前巡撫遼東黎玉田前大學士謝陞御史盧世淮共殺偽官十八人於是加玉田兵部尚書進陞上柱國少師兼太子太保世淮太僕寺卿各賜敕獎諭賞銀幣有差啟容河南按撫前官如故賜知遇洪起敕允和總兵官啟光副總兵

丙寅吏部尚書張慎言致仕資銀幣給應得誥命以徐石麟為吏部尚書

召前禮部右侍郎錢謙益為禮部尚書協理詹事府事上崇廟張皇后諡曰孝哀慈靖恭惠溫貞偕天協聖哲皇后命太僕寺少卿萬元吉再往臨淮揚州六合調輯軍民時高杰欲入揚州士民拒之進士鄭元勳出羊酒勞其軍因勸揚州人開城納杰民人譁殺元勳於城下督輔史可法入杰軍鎮撫之駐杰城下隸督輔為前鋒置擊瓜州劉良佐攻臨淮不克移駐壽州

戊辰予前大學士劉一燝諡文端賀逢聖諡文忠乙亥復懿文皇帝太子諡曰興宗孝康皇帝常妃諡曰孝康皇后上建文君諡曰嗣天章道誠懿淵恭親文揚武克仁為孝讓皇帝廟號惠宗馬后諡曰孝愍溫貞哲睿肅烈褒天弼聖讓皇后上景皇帝諡曰符天建道恭仁康定隆文布武顯德崇孝景皇帝廟號代宗汪后諡曰孝淵肅懿貞惠安和輔天恭聖景皇后丁丑吏部左侍郎呂大器致仕謝表云臣自此雲游遠涉恐當事者誤以姓名達天聽致行踪無獲臣不敢不預為請明逆賊張獻忠賊重慶瑞王遇害前四川巡撫陳士奇等俱被殺

野鈔

贈沐陽縣知縣劉士燝山東僉事士燝以女直破沐陽不屈死巡按湖廣御史黃澍入朝陛見對仗斥士英入偽官周文江賄題授參將罪可斬上曰若有此事先帝時何不糾舉守備承天內員何志佐澍司禮監太監韓贊周叱退之澍上疏請殺士英上趣赴楚乃去尋革職逮不至

戊寅封福府千戶常應俊襲衛伯應俊從上避賊有翊衛功上即位授左都督進世封辛巳以御史王燮為都察院右僉都御史巡撫山東壬午削大學士溫體仁諡予大學士文震孟諡文肅禮部侍郎羅喻義諡文介少詹事姚希孟諡文毅南京兵部尚書呂維祺諡忠節甲申以邱嘉充山東總兵官磊以侯恂再督師奏充山東總兵官尋罷之今以歷下多遼人故有是命贈舉人張履旋御史前吏部主事程良嘯光祿寺少卿舉人張申錫知州諸生楊之金教授履旋以賊搜捕不屈投崖死吏部尚書慎言之子也良嘯工部尚書註子與申錫之金起兵討賊

不克死之

召對大學士宏圖等議使女直

七月丁亥祀高皇帝后以下於奉先殿以次行皇帝后祔

戊子予前督師兵部尚書盧象昇諡忠烈象昇與女直戰賈庄死

庚寅起復丁憂應安巡撫左懋第爲兵部右侍郎都察院左都御史經理河北聯絡關東加前兵部主事馬紹愉太僕寺少卿兼兵部職方司郎中前都督陳洪範太子少傅往奠先帝山陵訪東宮二王肅大明皇帝致北國可汗書酬銀十萬兩幣稱之并賜吳三桂詔款女直懋第山東萊陽人崇禎十六年七月以兵科左給事中察核上江水師十七年五月遷太常寺少卿尋巡撫應安丁母憂疏請與陳洪範俱義山東圖恢復兼負母骸骨不許及議擇大臣偕洪範北使復上疏請行吏兵二部的議許之紹愉于崇禎十五年爲兵部尚書陳新甲遣與女直講款以知縣加兵部主事革職士英薦起之懋第疏言不願與紹愉同使士英請改用王永吉不許

野鈔

壬辰追諡繼妃李氏曰孝義端仁肅明貞潔皇后

甲午召陳洪範馬紹愉及廷臣入對左懋第以丁憂不召

庚子萬壽聖節上御武英殿受朝賀

以開封府推官陳潛夫爲江西道御史巡按河南

予隨州知州王燾諡忠愍山西巡撫蔡懋德諡忠襄

癸卯追諡穎國公傅友德武靖宋國公馮勝武壯

戊申與平伯高杰發兵守泗州及徐州先是六月十二日女直

撤至濟甯一固山額駙石爲傳奉事一平西親王吳爲撫安殘

黎事平西親王者吳三桂也七月一日賊撤稱統兵勦洗濟甯

杰聞發總兵一人率兵赴泗州參將四人赴徐州

乙酉上傳以戶部左侍郎張有譽爲戶部尚書大學士高宏圖

封還御札爭之不聽

辛亥上諭羣臣曰朕痛六九之運方資羣策旋袂故都乃自殿爭成登穴門成風封事雖動廟算安在先帝神資獨斷衆納衆流天不降康符豈在上朕本涼德冀爾文武大小諸臣鑒於前車匡復王室昔漢宣起于艱難丙魏合志唐肅興於靈武李郭

同心今若袒分左右口構元黃天下事不堪再壞茲特諭爾諸臣和衷集事列頸之交仇忘廉隅同車之雅嫌泯復恂朝廷以此望爾諸臣爾諸臣以此體朝廷意否則祖宗成憲非尙姑息特諭

盡釋高壩罪宗復庶人聿健爲唐王王崇禎間疏請除君側之惡指溫體仁及諸內臣九年十二月遂以越國出境及斃兩郡王上命革爵禁錮

以葉廷秀升都察院堂上官徐仲吉諸永明授翰林院待詔廷秀於崇禎時救黃道周廷杖監國起補吏部史官仲吉永明皆諸生以道周被累皆解學龍所荐也

巡按淮揚御史王燾奏據北京逃回未任陽春縣典史顧元齡稱傳言皇太子卒于亂軍定王永王俱于賊走之日遇害于王府二條巷吳總兵宅內老吳總兵亦被殺吳總兵三桂也老吳總兵名驥

壬子開經筵以魏國公徐宏基知經筵大學士史可法馬士英高宏圖姜日廣王鐸同知經筵協理詹事府禮部尚書錢謙益等充講官簡討張居展書

野鈔

八月丙辰朔日有食之

丁巳上幸國子學祀先師孔子

建安王府鎮國中尉吏部侯考朱統額疏糾大學士姜日廣迎立時有逆謀其疏不由通政司入禮科給事中袁彭年疏稱祖制中尉有奏請先令長史司具啟親王參詳可否然後給批資奏若候考吏部則與外吏等應從通政司封進今何徑何資直達御前臣禮垣也事在宗藩皆得執奏通政司通政使劉士禎疏糾統額越奏求斥不聽

戊午以楊鶴爲兵部侍郎兼都察院右僉都御史總督川貴湖廣廣西軍務

己未浙江總兵官王之仁請開屯金塘大樹許之

壬戌召還丁魁楚爲兵部右侍郎兼都察院右僉都御史提督楚豫諸軍巡撫承德襄陽等處魁楚前劾督失事遣戍甲子逆賊張獻忠破成都僭稱王蜀王不知所終辛未皇太后至南京先是二月上自懷慶避賊與皇太后相失

既即位密遣內員諭河南參將王之綱迎皇太后于郭家寨李際遇等護行百保迎於江干上跪迎洪武門內各泣下

壬申召還越其杰為都察院右僉都御史巡撫河南樊一衛為兵部右侍郎兼都察院右僉都御史總督川陝等處叅勦軍務其杰先以僉事遣戍一衛前甯夏巡撫

乙亥上傳以張捷為吏部左侍郎

丙子以兵部職方司主事凌驥為浙江道御史巡按山東贈甯遠總兵官掌中軍都督府都督吳驥遼國公諡忠莊妻祖氏贈夫人給祭葬驥三桂父也不降賊三桂起兵故殺之妻及

二子一女皆遇害

丁丑封鄒存義為大興伯皇太后弟也

戊寅以王永吉戴罪總督山東軍務給國書同陳洪範等料理議款事宜永吉以虧督失事南奔上疏待罪赦而用之

己卯贈巡按湖廣御史劉熙祚太僕寺卿諡忠毅廕一子熙祚為賊張獻忠所執不屈死

壬午加前東閣大學士王應熊太子太保改兵部尚書總督川

野鈔

湖雲貴廣辦蜀寇賜上方劍便宜行事以內閣中書舍人劉泌改兵部職方司主事宣諭之

封福建總兵官鄭芝龍南安伯

癸未以應天府丞郭維經為都察院左僉都御史

召還前戶科給事中翟式耜為應天府丞

乙酉以阮大鍼為兵部添設右侍郎

九月丙戌予前總兵官杜松諡武莊松于萬歷四十七年二月與劉綎李如柏等從遼陽督師分四路出松越五嶺關渡渾河

伏發力戰死

靖南侯黃得功趨揚州與平伯高杰伏兵上橋邀擊之得功僅以身免杰復遣兵襲僕微不克太僕寺少卿萬元吉解之各罷

兵

丁亥考選博士行人推官知縣授蔣鳴玉秦鏞等各科道部屬

外府同知等官凡十九人

鑄宏光通寶錢

壬辰例選戶科給事中陸朗上留用之吏部尚書徐石麒論朗

朗遂疏攻石麒及吏科都給事中章正宸

癸巳禮部尚書太子少保文淵閣大學士姜日廣致仕賜銀幣馳驛遣行人護行日廣以票擬失事內臣孫呈琇上批留川又

票擬許御史祁彪佳請革詔獄緝事廷杖發改票揭稱皇上不以臣為不肖使供事票擬即不敢奉詔上不以為忤及朱統額

以迎立異議攻日廣上諭士英曰瀾王朕叔父立亦本分耳

予祭酒陳仁錫諡文莊贈詹事府詹事

甲午都察院左都御史劉宗周致仕賜馳驛給極等恩典

調閩浙總兵官黃斌卿駐九江九江總兵官鄭鴻達鎮京口京

口總兵官黃蜚駐蕪采

例選御史黃耳鼎江西按察司僉事分巡南昌道

戊寅予禮部尚書董其昌諡文敏都察院左副都御史張瑞諡

清忠前督師大學士孫承宗諡文正太常寺少卿鹿善繼諡忠

節建祠賜額承宗子孫死難者附承宗善繼高陽人崇禎十一

年女直破高陽承宗合門與善繼死之

庚子予都察院右都御史沈子未諡恭靖工部尚書沈儉諡

野鈔

喪敬

追予建文死節文臣文學博士方孝儒諡文正贈太師兵部尚

書鐵鉉諡忠襄禮部尚書陳迪諡忠烈刑部尚書暴昭諡剛烈

俱贈太保翰林院纂修周是脩諡貞毅贈詹事府詹事御史大

夫練子甯諡忠□御史大夫景清諡忠烈俱贈太保都御史禮

部侍郎黃觀諡文貞贈太子太保戶部侍郎卓敬諡忠貞贈太

子太保戶部尚書副都御史茅大芳諡忠愍贈太子太保都御

史大理寺少卿胡閏諡忠烈贈刑部尚書翰林院修撰王叔英

諡文忠贈禮部侍郎刑科給事中黃鉉諡忠獻贈太常寺卿御

史高翔諡忠敬御史曾鳳韶諡文毅俱贈太僕寺卿浦縣知縣

顏伯璣諡忠惠贈太僕寺少卿子有為諡孝節贈翰林院待詔

浙江按察使王良諡忠毅贈副都御史蘇州府知府姚善諡忠

惠贈太僕寺卿濟陽縣學教諭王省諡貞烈贈禮部員外郎谷

府長史劉璟諡剛節贈大理寺少卿金川門卒龔朝諡安節贈

翰林院待詔武臣魏國公徐輝祖諡忠貞贈太師都指揮羅能

諡襄烈贈平陽伯都指揮朱鑑諡莊烈贈含山伯燕山衛卒儲

福論忠義贈指揮使又予侯泰論忠貞齊泰論節忠貞俱贈太保
張勇論忠義郭仕論清毅盧過論忠貞達邊昇論果忠胡子昭論
介堅金有聲論異恩俱贈太子太保尚書陳性善論忠節贈太
子太保都御史周培論忠貞贈都御史林石論忠貞贈吏部尚
書連禮論剛烈贈詹事王良論忠貞贈文忠侯俱贈禮部右
侍郎鄭璵論忠貞贈大理寺卿黃子澄論忠貞贈原質論忠貞
廖昇論忠貞俱贈禮部尚書龔泰論忠貞贈陳繼之論忠貞贈
魏冕論忠貞甘霖丁志方俱論忠貞定王彬論忠貞王度論忠貞
謝昇論忠貞勳林免論忠貞節林嘉猷陳彥回俱論忠貞俱贈太僕
寺卿譚翼論忠貞巨敬論忠貞樊士信論忠貞徐子權論忠貞
俱贈光祿寺卿高巍論忠貞贈太常寺少卿周繼瑞論忠貞贈
恕論忠貞張彥方論忠貞向模論忠貞莊華論忠貞俱贈太僕
寺少卿宋徵論忠貞贈光祿寺少卿唐子清論忠貞黃謙論忠貞
毅俱贈工部員外郎陳思賢論忠貞贈禮部郎中葛誠論忠貞
贈大理寺少卿俞逢辰論忠貞石撰論忠貞程通論忠貞俱贈

野鈔

苑馬寺少卿杜奇論忠貞贈翰林院檢討武臣俞通淵論忠貞
贈衛國公楊高論忠貞贈霍邱伯謝貴論忠貞贈英山伯彭二
論武莊論忠貞伯馬宜論忠貞贈全椒伯宋忠論忠貞贈壽昌
伯孫泰論忠貞贈象山伯莊得論忠貞贈分水伯張皂旂論忠貞
烈贈淳安伯俞瑱論忠貞贈東陽伯俞瑄論忠貞贈西甯伯張
倫論忠貞贈保昌伯崇剛論忠貞贈德清伯婦女方孝儒妻鄭
氏論忠貞贈夫人黃觀妻翁氏論忠貞贈夫人曾鳳詔妻李氏
論忠貞贈淑人王良妻□氏論忠貞贈淑人儲福妻范氏論忠貞
節贈淑人胡閨女郡奴論忠貞外贈文臣王魁尚書方孝友論忠貞
貞木俱翰林院待詔黃彥清錢芹俱光祿寺少卿黃希范楊任
葉惠仲俱太僕寺少卿武臣廖鍾德侯彭聚下萬範智俱左
都督滕聚小馬王盧振俱都督同知廖錦衣衛都指揮倪諒
楊本周供元曾清羅能子俱都指揮共建一廟凡死者俱附祭
壬寅改清浦縣知縣陳曉爲中書科中書舍人
甲辰追予開國名臣李善長論忠貞章益論忠貞敏唐鐸論忠貞
詹同論忠貞劉嵩論忠貞介解縉論忠貞介桂彥良論忠貞敬裕葉居昇

論忠忠何眞論忠恭靖陶安論忠文憲孫炎論忠忠忠胡深論忠節王
禮論忠忠許琬論忠忠節
又予正德諫臣蔣欽論忠烈陸震論忠定何遵論忠節劉較論
孝毅孟陽論忠介李紹賢論忠忠端俞廷瓚論忠忠忠忠忠
李翰臣論忠忠忠忠忠忠忠忠忠忠忠忠忠忠忠忠忠忠忠忠
聖論忠忠忠忠忠忠忠忠忠忠忠忠忠忠忠忠忠忠忠忠忠忠
又予天啟慘死都察院左僉都御史左光斗論忠忠忠忠忠忠
周起元論忠忠忠忠忠忠忠忠忠忠忠忠忠忠忠忠忠忠忠忠
俱論忠忠忠忠忠忠忠忠忠忠忠忠忠忠忠忠忠忠忠忠忠忠
貞刑部主事顧大章論忠忠忠忠忠忠忠忠忠忠忠忠忠忠忠
以常兩侯左良玉子夢庚爲左都督掛平賊將軍印
予大學士何如龍論忠忠忠忠忠忠忠忠忠忠忠忠忠忠忠忠
贈北京死難文臣東閣大學士工部尚書范景文太傅論忠貞
戶禮二部尚書兼翰林院學士倪元璐太保論忠貞正都察院左
都御史李邦華太保吏部尚書論忠貞文戎政兵部侍郎王家彥
太子少保論忠忠忠忠忠忠忠忠忠忠忠忠忠忠忠忠忠忠忠忠

野鈔

左副都御史施邦曜左都御史論忠忠忠忠忠忠忠忠忠忠忠忠
部右侍郎論忠忠忠忠忠忠忠忠忠忠忠忠忠忠忠忠忠忠忠忠
左春坊左諭德馬世奇禮部右侍郎論忠忠忠忠忠忠忠忠忠忠
理順詹事府詹事論忠忠忠忠忠忠忠忠忠忠忠忠忠忠忠忠忠
文烈太僕寺少卿申佳胤太常寺卿論忠忠忠忠忠忠忠忠忠忠
甘來太常寺卿論忠忠忠忠忠忠忠忠忠忠忠忠忠忠忠忠忠忠
川道御史陳良謨太僕寺少卿論忠忠忠忠忠忠忠忠忠忠忠忠
僕寺少卿論忠忠忠忠忠忠忠忠忠忠忠忠忠忠忠忠忠忠忠忠
兵部車駕司郎中成德大理寺少卿論忠忠忠忠忠忠忠忠忠忠
金鉉太僕寺少卿論忠忠忠忠忠忠忠忠忠忠忠忠忠忠忠忠忠
論忠忠忠忠忠忠忠忠忠忠忠忠忠忠忠忠忠忠忠忠忠忠忠忠
右都御史論忠忠忠忠忠忠忠忠忠忠忠忠忠忠忠忠忠忠忠忠
安伯張慶臻太師進侯論忠忠忠忠忠忠忠忠忠忠忠忠忠忠忠
論忠忠忠忠忠忠忠忠忠忠忠忠忠忠忠忠忠忠忠忠忠忠忠忠
權太保論忠忠忠忠忠忠忠忠忠忠忠忠忠忠忠忠忠忠忠忠忠
京營太監王承恩論忠忠忠忠忠忠忠忠忠忠忠忠忠忠忠忠忠

十三人武臣六人內臣二人立廟京師賜名旌忠以長洲縣諸生許珍贈翰林院五經博士順天府布衣湯大瓊賜中書舍人從祀

賜成德母張氏劉理順妻萬氏妾李氏並淑人金鉉母張氏汪偉妻耿氏並恭人馬世奇妻李氏朱氏陳良謨妻時氏並孀人周遇吉妻劉氏夫人各建坊旌表

又贈開國功臣德慶侯廖永忠慶國公諡武勇定遠侯王弼濠國公諡武威長興侯耿炳文興國公東勝侯江興祖勝國公並諡武愍予馮國用諡武翼丁德興諡武襄桑世傑諡忠烈茅成俞廷玉並諡武烈丁普郎諡武節韓成諡忠莊花雲諡忠毅

戊申進武甯侯朱國弼保國公己酉以前兵部侍郎張鳳翔為添註兵部右侍郎鳳翔東昌人東平伯劉澤清疏稱同顧光祖會監軍凌厲擒偽官十五人也女直遺書督師大學士史可法曰攝政王致書史老先生予向在濟京即知燕京物望咸歸司馬及入關破賊與都人士相見識介弟于清班曾托其手勒平安奉訴衷曲比聞道路紛紛多

謂金陵有自立者夫君父之仇不共戴天春秋之義有賊不討則故君不得安葬新君不得即位所以防亂臣賊子法至嚴也則賊李自成稱兵犯關毒及君親中國臣民不聞一矢加遺平西親王介在東陣獨效包胥之哭朝廷感其忠義念累世之夙好棄近日之小嫌嚴整狼狽除鴟獞入京之日首崇懷宗帝后諡號葬山陵悉如典禮親郡王將軍以下仍故封號不加改削文武諸臣咸在朝列恩典有加耕市不驚秋毫無犯方擬天

高氣爽道將西征傳檄江南連兵河朔陳師鞠旅戮力同心以報爾君父之仇彰我朝廷之德豈意南州諸君子苟安旦夕不審時勢聊慕虛名頓忘實害予其惑之夫國家之定燕都乃得之于闖賊非得之於明朝也賊毀明朝之廟主辱及先皇國家不憚征繕之勞悉索敵賦代為雪恥萬世仁人君子何以報德耶乃乘寇稽誅王師暫息即欲雄據江南坐享漁人之利豈可謂以江淮為天塹之險遂不能飛渡也況闖賊但為明朝寇賊未嘗得罪於國家徒以薄海可仇特申大義若擁號稱尊便是

天有二日復為勤敵子將簡西征之銳卒轉旆東征且擬釋彼

重誅用為前導夫以中華全力受制潢池而欲以江左一隅兼支大國勝負之勢無待籌龜矣予聞君子愛人以德小人則以姑息諸君子果識時知命切念故主厚愛賢王宜勸令削號歸藩永綏福位朝廷當待以虛宮永承禮物帶礪山河位在諸侯

王上庶不負朝廷申義討賊興滅繼絕之初心也至於南州諸君子貢然來儀則爾公爾侯列爵分土有平西之典例在惟執事實圖利之晚近士大夫好高樹名不顧國家之急每有大事輒相棄舍昔宋人議論未定兵已渡河可為殷鑒先生領袖名流主持至計必能貫察始終密忍隨俗浮沈取舍從違應早審

定兵行在即可東可西南國安危在此一舉願諸君子同以討賊為心無貪瞬息之榮致令故國有無窮之禍為亂臣賊子所笑予尚有厚望焉記有之惟善人能受盡言故敢布腹心聞明教江天在望延佇為勞可法密以上聞介弟者可法弟癸未庶吉士史可程也時已南歸答書云南中自接好音隨遣使問訊吳大將軍未敢遽通左右非委厚誼于草莽也誠以大夫無私交春秋之義今倥偬之際奉瑣瑣之章真不啻從天而降也

諷讀再三殷殷至意若以逆賊尙稽天誅為貴國憂且感且愧但左右不察謂南國臣民偷安江左敢忘君父之仇敢為殿下詳陳之我大行皇帝敬天法祖勤政愛民真堯舜之君也以庸臣僕國有三月十九之事法待罪南樞救援無及次舟淮上凶信突來地折天崩川枯海竭嗟乎人孰無君雖肆法於市朝以為泄泄者成奚足慰先帝于地下哉爾時南中臣民哀慟如喪考妣無不撫膺切齒欲悉東南之甲立刃凶仇而二三老臣謂國破君亡宗社為重相與迎立今上以係中外之望今上非他神宗之孫光宗猶子大行皇帝之兄也名正言順天與人歸五月朔日駕臨南都萬姓夾道歡呼聲聞數里臣等進今上退然不自勝謙讓再三僅允監國迨臣民伏闕屢請始於十五日進位南都從前鳳集河清瑞應非一即告廟之日紫雲如蓋祝文升霄萬目共瞻欣傳盛事大江湧出相梓數萬助修宮殿是豈非天意也哉越數日遂命法視師江北刻日西征忽聞我吳大將軍借貴國之兵破走逆賊殿下都為我先帝後發喪成禮掃除宮殿撫輯羣黎且免薙髮之令以示不忘本朝此舉

野鈔

野鈔

動也振古燦今凡為大明臣子無不長跼北向頂禮加額豈但如明諭所云感恩圖報也哉謹於八月薄具篋篋遣使轎師請命鴻臚連兵西討是以王師既發復次江淮乃辱明諭引春秋大義來相詰責善哉推而言之此義為列國君薨世子應立有賊未討不忍死其君者之說耳若夫天下共主身殉社稷青宮皇子慘變非常而拘率不卽位之說以味大一統之義中原鼎沸倉卒出師何以維係人心號召忠義紫陽綱目踵事春秋其間特書莽移漢祚光武中興不廢山陽昭烈踐阼懷愍亡國晉元嗣基徵欽蒙塵高宗繼統是皆於國仇未報之日亟正位號綱目未嘗斥為自立卒以正統予之至於元宗幸蜀太子卽位靈武議者察察亦未嘗不許以行權幸其光復舊物也本朝傳世十六正統相承自治冠帶之族繼絕存亡仁恩遐被貴國夙膺封號載在盟府殿下豈不聞乎今亦痛心本朝之難而驅除亂逆可謂大義復著春秋矣昔契丹輔宋歲利金繒回紇助唐不貪土地況貴國篤念世好兵以義動萬代瞻仰在此一舉若乃手足磨難視同秦越規比輻員為德不卒是以義始而以利

野鈔

終終貽賊人竊笑貴國豈其然歟先帝慘念潢池不忍盡戮勦撫兼用貽誤至今今上聰明天縱刻刻以復仇為念廟堂之上和衷體國介冑之士擊楫枕戈忠義民兵願為國死竊以為聞賊之滅不越於此時矣語云樹德務滋除惡務盡今賊未伏天誅卷土西秦方圖報復此不獨本朝不共戴天之恨亦貴國除惡未盡之憂伏惟堅同仇之義全始終之德合師進討問罪秦中共梟逆賊之頭以雪敷天之恨則貴國義聞千秋本朝亦惟力是視從此兩國世通盟好傳之無窮不亦千載一時哉若夫牛耳之盟則本朝使臣久已載道不日抵燕奉幣孟以從事矣法北望陵廟無涕可揮身陷大戮罪應萬死所以不從先帝於地下者實為社稷之故也傳曰竭股肱之力加以忠貞法處今日鞠躬盡瘁免盡臣節所以報也殿下伏賜垂鑒

甲寅吏部尚書徐石麒致仕石麒乞休閣臣擬片其嚴上曰冢臣猶家子也當以優禮遣乃賜馳驛給贖恩

例監王儲王無黨錦衣衛指揮世襲大學士王鐸弟及子也十月戊午以太常寺少卿李沾為都察院左都御史

己未以兵部尚書張縉彥總督河南河北山東便宜行事縉彥南奔至河南疏稱義兵復城寄寧南京月給其家米五石

召還前御史張孫振為四川道御史掌河南道印

戶部尚書太子少保文淵閣大學士高宏圖致仕賜銀幣馳驛行人護行宏圖以爭用阮大鍼請召史可法入直上召對宏圖宏圖持奏臣死不敢將順尋乞休疏四上允之

壬戌予禮部侍郎張邦紀諡文忠

癸亥贈大學士孔貞運少保諡文忠

甲子鳳陽地震

加湖廣巡撫何騰蛟兵部右侍郎巡撫全省尋命總督川湖雲貴廣西

附祀死難內臣王之心張國元高時明方正化等于旌忠祠

丙寅遣內臣田成往杭城選淑女尋及紹興嘉興

贈北京死難武臣成國公朱純臣鎮遠侯顧璘迹定遠侯鄧文

明武定侯郭培民陽武侯薛濂永康侯徐錫登西甯侯宋裕德

懷甯侯孫藩彰武伯楊崇猷宣城伯衛時春清平伯吳遵周新

野鈔

建伯王先通安鄉伯張光燦右都督方履泰錦衣衛千戶李國棟十五人官予祭葬廕子有差祀祀旌忠

己巳鳳陽地震

癸酉以提督楚豫丁魁楚原官總督兩廣

復宣廟吳賢妃尊號上諭孝翼溫惠淑慎慈仁匡天錫聖皇太后建文故太子文奎諡恭愍復皇弟允熲吳王諡悼允熿衡王

諡愍允熙徐王改諡哀追封皇少子文珪原王諡懷諸公主駙

馬俱復舊號

庚午上御武英殿受皇帝之寶百僚朝賀先時以金代時刻玉

未成也

甲戌上傳以吏部侍郎張捷為吏部尚書

丙子上傳以兵部職方司主事彭遇魁為御史巡按浙江

男子王裔改名王重儒詐稱定王入境伏誅守陵內臣谷應珍

知其詐冒

丁丑召還前太僕寺少卿楊維垣為通政使司通政使維垣以

交結近侍逆案遣戍

戊辰復革職御史何綸例轉御史黃耳鼎原官

壬午予湖廣殉難府長史徐學顏武昌府通判李毓英長沙府推官蔡道憲嘉魚縣知縣王良鑑鍾祥縣知縣蕭漢清所縣知縣曾拭均州知縣胡永熙衡陽縣知縣張鵬翼與都留守沈壽崇經歷任文熙陝西殉難秦府長史章向綱商維道監軍副使喬遷高祭葬自行建祠

贈殉難保定巡撫兵部右侍郎徐標兵科給事中顧鉉工科給事中彭瑄貴州道御史俞志巖戶部郎中徐有聲大名道副使朱庭煥官予祭葬廕子

又四川殉難瀘州知州蘇瓊妻舒氏吏目趙階升河南殉難南陽府知府邱懋素左鎮監軍兵部主事余爵在籍翰林院檢討馬剛中山西糧道開剛中途中殉難主事劉大年南京給事中張焜芳河間兵備道趙挺各贈官祭葬

又北京殉難成德父桂德妻蕭氏童氏妹季白先事殉難贈桂如子官婦女旌表祀祀

十一月丙戌以前刑部侍郎蔡奕琛為吏部左侍郎奕琛德清

人為刑部右侍郎崇禎十五年為吳中彥納賄薛國觀被糾逮

訊為民

戊子桂王堯

己丑鳳陽皇陵災居民遙見陵中二人一衣青一衣朱相毆擊

號泣入視二犬踉蹌走

予翰林院修撰沈懋學諡文節焦宏諡文端

庚寅予死事彭文炳贈官祭葬建一門忠烈坊

甲午諭吉王曰貞

丙申予薊遼總兵吳阿衡論忠毅祭奠廕子建祠阿衡於崇禎

十一年九月女直入腦子嶺被殺

丁酉巡撫蘇松都察院右僉都御史祁彪佳稱疾去官山東總

兵官邱喬挾逮保定總督侯恂河海道人燕磊回安東

索餉史可法刺得其不軌狀執之獄以聞遂死

贈巡按山東御史宋學朱大理寺卿一子學朱長洲人崇禎

十二年正月女直破濟南死之

女直陷宿遷史可法救之女直引去

辛亥監京口軍兵部職方司主事楊文驄請城金山關山許之

十二月丁巳進誠意伯劉孔昭誠意侯東平伯劉澤清東平侯

孔昭辭許之

辛酉命湖廣巡撫何騰蛟以原官總督川湖雲貴廣西等處

王戊與平伯高杰駐徐州通賊程繼孔斬木編筏將勾引女直

杰擒斬之事聞加杰太子少傅賞銀幣先是巡按河南御史陳

潛夫探得女直于十二月十五日發兵一赴徐州一赴河南將

從益縣過河杰與澤清書云陳東明自北歸二十日抵徐云疑

虜發一王子領兵駐濟甯近日河南撫按接踵告警虜在開封

上下窺渡甚急澤清以聞東明洪範字也士英疏言賊勢向張

虜豈無後慮豈敢投鞭問渡乎杰于是遣女直肅王書請合兵

勦賊報書招杰不從

女直至夏鎮內寅鎮守河南總兵官李際遇叛降女直女直入

河南杰澤清告急

戊辰女直陷海州阮大鍼築蜈蚣磯板子磯堡

己巳都督陳洪範自北歸十二月十二日洪範懋第至張家灣

貽書女直攝政王請迎御書女直遣禮部官具鼓吹導懋第等

奉御書入正陽門館鴻臚寺次日女直內院剛林入寺問懋第

今上即位故語畢令通事勿受御書次日索金幣去邀懋第朝

女直懋第不可留半月聽歸去至滄洲迫懋第紹倫北去洪範

歸洪範已降女直女直諭洪範速南行以圖大事定欲一統天

下傳播招撫使人心悅服歸順功成之日量功大小破格升賞

子孫奕世蒙休恩澤永垂帶礪至是獨遣洪範歸懋第密疏云

臣所奉敕書慰告十二陵奠安先帝先后山陵因彼不受御書

遂至相格不能赴昌平一步遣加衛游擊楊三泰等密往山陵

一帶探問得其回報內稱四月初二日賊奉先帝先后梓宮至

昌平州州民出錢開翠華山田貴妃墳內陰道有昌平州知州

及駐劄昌平州戶部主事孟某供事於初四日葬先皇帝在中

皇后在左移田貴妃于右隆道寬二丈深二丈五尺云至東宮

二王消息或云賊向山海時挾二王子行者或言賊西遁時挾

一皇子在馬上者十一人二十三日有稱先帝皇太子者皇親

周奎辨其非是下獄有公主在周奎家先帝升遐時手斷一臂

不死年十四而洪範疎則言賊聞虜至先殺皇太子挾二王上馬行兵敗永定二王遇害遣使時命與吳三桂議款三桂竟不見時女直沿河窺渡溺死者千餘

賊兵突至河南襄城禹州等處河南總兵官王之綱斬賊偽都司賈世杰巡按御史陳潛夫擒偽太康知縣安中外等河南副總兵劉紘郭從寬等殺賊六百餘級奪馬七十餘匹擒鄆陵偽知縣王度許州偽巡捕王法唐援勦總兵官劉洪起擒汝寧府偽官祝永苞上蔡偽知縣馮世遇斬賊三百七十級奪馬騾十餘匹又擒賊二百三十名斬賊一千二百七十六級于襄城縣奪賊馬騾四百三十四頭加洪起實職二級

丙子予翰林院編修胡守恒論文節

復從逆兵科給事中時敏原官開屯大隗山敏例轉金華府知府未出都以劉澤清薦特赦之

野鈔

人或甘心仕虜或不忘本朝別有報効姑俟三年定奪第一廿心從賊應磔十一人宋企郊牛金星張嶠然曹欽程李振聲喻上游黎志陞陸之祺高翔漢楊王休劉世芳第二等應斬擬長繁秋決四人光時亨增精周鍾方允昌時亨阻南遷汗偽命增昌勸進議僭位儀鐘過先帝梓宮不下馬家書稱賊新主允昌開閣催濟也第三等應絞擬贖七人偽編修陳名夏偽文選司郎中楊枝起喬偽詔鹽運司王承曾偽天津道原毓宗偽宏文院學士何允光先下獄賊至受職廖應選偽太常寺卿項煜第四等應成擬贖十五人偽鹽運司王孫惠偽政府侍郎侯恂偽直指使陳羽白偽宏文院學士裴希度偽吏科給事中田芝生偽諫議大夫金汝礪偽直指使張懋爵降賊被戮梁兆陽賁緣求進錢位坤檄州縣繳印王秉鑑獨先受偽命劉大霖首謁偽吏部受職郭萬象偽巴縣知縣吳達偽中江縣知縣黃繼祖刑髮被執楊廷鑑第五等應徒擬贖十人偽兵部車駕司沈元龍偽國子監學正廖沅偽職方司從事吳剛思仍原職傅鼎銓張家玉偽四川同知傅振鐸偽通政使逃歸宋學顯偽成都同知

野鈔

逃歸呂兆龍未就職方以智未從賊方拱乾第六等應杖擬贖八人被執受偽淮安府尹王子曜被執受偽揚州防禦使周壽明被執仍原職向列星被執受偽官潘同春受偽職未任李桐徐家麟偽四川同知未任吳泰來偽梓潼縣知縣先逃張琦存疑另議者二十八人翁元益魯卓郭充吳爾璠史可程左懋泰王自超王之牧白允謙懋懋熙王阜梁清標楊棲鸞李化麟張元琳呂崇烈侯左吳之琦鄒明魁姬現朱國壽許作梅吳顯趙顯吳嵩允劉廷琮朱積已赦用者八人張紹彥衛允文韓四維時敏蘇京黃國琦施鳳儀侯彝已赦未用者三人姜荃林張玉聲顧大成報已故者二人吳家周魏學濂奉旨所擬陷虜諸臣姑暫免收掣限三年定奪現在從賊的候緝獲正法光時亨應否仍須緩死陳名夏等贖絞果否蔽辜侯恂封疆未結又汗偽命宋學顯以待從之臣為偽通政吳剛思受偽命而揚揚得意方以智定王講官今定王安在止擬一徒且潘同春等既受偽官豈可但擬一杖癸未庶吉士為何瑞徵引見人人汗偽令豈可復玷館閣方拱乾原朱從賊者與雷耀龍吳履中另議于是保國公朱國弼等疏糾刑官六失革尚書解學龍職方拱乾雷耀龍吳履中俱革職

野鈔

皇太后移居興慶宮命婦朝賀
戊寅魏國公徐宏基卒贈太師論莊武
己卯贈甘肅巡撫林日瑞兵部尚書廕一子日瑞死于賊也
壬午以兵部尚書張縉彥巡撫開歸河南三府總督如故
以應天府府丞羅式相為都察院右僉都御史巡撫廣西
改巡按山東御史凌嗣巡按河南兼理河北山東招撫陳潛夫
另用
山東士民丁耀元等起義兵督鎮相機應接
宏光元年正月乙酉朔上御武英殿百官朝賀
庚寅雷內閣中書舍人林翹言正月初六日雷聲自北而西占
在趙晉之野有兵日在庚寅主口角妖言
癸巳與平伯高杰提兵趨開歸請調靖南侯黃得功廣昌伯劉
良佐赴邳宿防河得功良佐不赴調
丁酉鎮北總兵官許定國叛降女直賊殺太子少傅前總兵兵

官與平伯高杰于睢州餘兵潰還與平夫人邢氏率子元爵請以部將李本身爲提督領其衆士英請加監軍侍講衛允文兵部侍郎督其軍得功聞杰死趨揚州可法馳歸請上勒得功回汎乃去加木身太子少保左都督赴歸德中權總兵官楊承祖赴夏邑副總兵官劉應虎赴廣城苗順甫赴碭山後勁總兵官李翱雲赴雙溝左協總兵官胡茂貞右協總兵官郭虎赴泗州駐防良佐疏言藩臣潰兵不宜授本身提督欲併其衆而甯南侯左良玉疏言忠允將同應卯江楚總督袁繼威疏言與平伯有可念之勞贈杰太子太保再陞一子錦衣衛百戶從優議應得葬祭以子元爵襲與平伯

甲辰進吏部左侍郎蔡奕琛東閣大學士入閣辦事

丙午上迎皇考御容于大明門外百僚班侍

二月甲寅朔提督勇衛太監李國輔請開采浙江雲霧山許之戶科給事中吳适疏言正統間開采致鄧茂七葉宗留之亂國輔請罷不許馳視竟罷之先是督理蕪采太僕寺少卿宋訪請開采銅陵許之言利之徒紛起卒皆不效

野鈔

諡桂王曰端

甲子諡皇太子慈煥曰獻愍皇三子定王慈燦曰哀皇四子永王慈煥曰悼

考選授林有本等科道部屬官有差

以黃端伯爲禮部祠祭司主事端伯江西南城人杭州推官丁憂奉佛以削髮被參驗勘遇赦入京公言去輔美日廣逆謀有狀以媚士英士英喜令與考選許以言職令力攻日廣及考選文字不中程式士英亦知其不可恃不得已補部屬

丙寅遣禮部尚書黃道周祭告禹陵

逆賊李自成棄西安走襄陽

丁卯予殉難陝西巡撫馮師孔按察司黃嗣長安縣知縣吳從義渭陽縣知縣楊暉商維道黃世清蒲城縣知縣朱一統榆林

右布政都任中部縣知縣朱新選副總兵惠顯潘國俊李國奇游擊將軍姬維新陳二典劉芳馨劉廷杰文經國守備左勉惠

漸賀天雷楊政偉指揮使李文焜前總兵官尤世威侯世祿侯拱極王學書王世欽王世國李昌齡前總兵尤翟文常懷德李

登龍張發楊明前游擊將軍孫貴尤養昆前守備白慎衡李宗叙慶陽道段復興慶陽府知府董統高州在籍前吏部尚書南企仲前副都御史朱景德前巡撫焦源清焦源溥山東巡撫王道純山西參政田時震禮部主事南居業蒲州在籍前磁州道祝萬齡慶陽在籍前太常寺少卿麻禧咸甯縣舉人朱誼象等贈廕有差先是御史霍達于崇禎間具題下部未覆至是再請得之都任尤世威皆合門自縊朱新未獲娶妾投縊死榆林以抗賊故自指揮千百戶及士民死者數萬人多不及考矣

戊辰予奉使兵部右侍郎左懋第母陳氏卹典銀用其兄吏部員外左懋泰

辛未予東平侯弟劉源清諡武節源清以戰死

癸酉檄高杰兵回揚州命廣昌伯劉良佐率兵赴防歸德保國公朱國弼疏剴前漕運總督路振飛稱鳳陽有天子氣懷

逆謀命部院看議

丙子日月赤無光

丁丑贈死事重慶府知府王行檢光祿寺卿予祭葬廕子潛山

野鈔

縣知縣李佳庸太僕寺少卿廕子

予南京吏部侍郎顧起元諡文莊廕一子

戊寅逆賊李自成兵至承天府

御史周昌言補糾從逆漏案楊汝昌宋之繩曹溶等命法司并

戮

壬午更鑄各衙門印去南京二字先是吏部失印更鑄去南京

二字以別舊印至是遂悉去之及印成而南京失矣

三月甲申朔日上御經筵

乙酉妖僧大悲伏誅大悲徽人忘言先帝封齊王不受又封吳

王命府部科道法司會審又妄言錢謙益申紹芳于孔聖廟中

謀異圖又言路王施恩百姓等語御史張孫振疏請究主使上

不問召大學士馬士英等于內殿命卹棄市

丁亥復大學士溫體仁諡

戊子上御武英殿召保國公朱國弼大學士馬士英等前東宮

講官劉正宗入諫曰鴻臚寺少卿高夢箕疏解有北來太子朕

念先帝之子卽朕之子況朕尙無子眞眞東宮卽朕東宮矣但

昨遣內臣李承芳盧九德前去審視面貌不對語言閃爍可合
府部大小九卿科道舊日東宮講官前去辨駁回奏先是夢
家人穆虎自北來挾一男子云是先帝太子舊年十二月夢
送之杭州既渡錢塘往紹興夢復密疏以聞上遣內臣馮進
朝追回至京與興善寺承芳等回奏依錦衣衛掌衛事都督同
知馮可宗私與堂屋三間一十六歲男子踞上座南面百僚
服錦綉東宮講官革職方拱乾奉特命平頂巾直衣領大帶各
先後至參差堂室屋戶間噴噴語非是士英鐸既至正宗拱乾
近前立鐸拍拱乾問曰是何人曰方先生以正宗問不識也正
宗問講讀先後曰忘之矣又問書做字句曰忘之矣問講案上
有何物曰不知刑科左給事戴英趨上曰先帝廷鞠吳昌時于
左中門櫺皇太子出視所立何地有何事何語曰誰吳昌時又
曰忘之矣英乃抗聲曰汝是詐冒以實告當據汝即跪地曰求
救命授以紙筆供稱高陽縣人王之明駙馬都尉王勇姪孫家
破南奔遇高夢箕家人教以詐冒東宮左都御史李沾受之午
後羣臣入朝回奏上御武英殿大學士士英鐸奏畢左都御史
野鈞
沾持王之明手供跪奏上不省泣曰朕念先帝身殉社稷側耳
宮中望卿等奏至果眞即迎入宮中仍爲太子誰知不是聲淚
俱出慨傷久之沾再跪奏乃命法司再審夢箕具疏言妖奸已
露士英正宗各具疏請嚴究主使
已丑甯南侯左良玉告急請發兵會剿
女直至郿城又抵西平
辛卯女直至上蔡
壬辰革鴻臚寺少卿高夢箕職同王之明穆虎集百官廷訊在
京士民俱得入夢箕仰天嘆曰不意爲無賴子所誤一念癡忠
天地可鑒更勿借題甘心一死而已甯南侯提塘官忽於訊所
出黃得功刻揭云先皇帝子即皇上子若速處治即東宮諸臣
認識亦不敢出頭取禍上命兵部傳諭得功毀之尋命該衙門
將王之明加意護養勿驟加刑俟明告海內然後正法先是有
婦人從河南來自稱上元妃童氏廣昌伯劉良佐命其妻迎之
稱年三十六歲十七歲入宮有曹太監冊封東宮黃氏西宮李
氏李氏生子玉奇寇亂失所在童氏生子金哥今在甯家莊四

歲矣良佐信之送入京士英亦信之擬具疏請迎皇太子于河
南詢從龍內臣皆云潛邸宮人無生子者乃止上曰朕前妃黃
早殲繼妃李殉難且朕初封郡王安得有東西二宮宮闈風化
所關豈容妖婦闖入送鎮撫司命錦衣衛掌衛事都督同知馮
可宗同內員屈尚志鞠之不服加以刑訊又曰周王妃周王
立錯認耳周王以崇禎七年至淮安薨矣矣世子先覺世孫未
嗣何得有周妃乎而良佐復言太子先帝遺血童氏皇上宮闈
謹涕泣保留乃命以王之明童氏審明略節傳播中外
逆賊李自成至潛江
戊戌予禮部侍郎贈尚書羅景淳廕一子入監讀書
總督河南河北山東兵部尚書張紹彥復南陽府
以九江總兵官黃斌卿掛征蠻將軍印鎮守廣西
己亥頒獻愍皇太子定哀王永悼王及孝哀慈靖恭惠溫貞僖
天協聖哲皇后諡詔于天下
追封成國公朱純臣舒城郡王鎮遠侯顧麟迹鎮國公永康侯
徐錫登永國公西甯侯宋裕德甯國公定遠侯鄧國明淮國公
懷甯侯孫維藩懷國公彰武伯楊崇猷安鄉伯張光燦俱進侯
南和伯應襲方履泰南和伯襄城勳衛衛衣千戶李國祿贈中
軍都督府僉事
壬寅上癸先帝先后于奉先殿舉哀百僚望祭于太平門外東
宮二王附葬臣皆哭誠意伯劉孔昭哭畢曰光時亨阻先帝南
遷致先帝殉宗社今霜露已移視息尚在何以慰在天之恫言
已又哭將散阮大鍼傳呼而來曰致先帝殉社稷者東林諸臣
也不盡殺東林諸臣不足以謝先帝今陳名夏徐汧北走虜矣
馬士英急止之曰徐九一現有人在何得有是言九一泔字也
補督事府少詹事以病請告名夏實北走
癸卯前左中允李明睿爲女直禮部侍郎被黜歸東平伯劉澤
清以聞明睿江西南昌人素與姜日廣有怨士英邀之令攻日
廣明睿不應去後明睿語人曰在禮部時大學士王鐸遣人投
降表于女直女直命明睿受之
甲辰甯南侯左良玉再告急
丁未叛賊許定國朱際遇引女直兵破歸德巡按河南御史凌